



UNIVERSITÄTS-
BIBLIOTHEK
PADERBORN

Universitätsbibliothek Paderborn

Compendium Summae seu Manualis Doct. Navarri

Ávila, Esteban de
Azpilcueta, Martín de

Lvgdvni, 1609

Immunitas Ecclesiae.

urn:nbn:de:hbz:466:1-41656

esse credere illis imaginibus inesse aliquam di-
 uinitatem aut virtutem, aut colere eas sicut
 tales, praterquam ad ea quorum imagines sunt
 representanda. Denique quod imagines in visita-
 ta non sunt in Ecclesia nec domi habenda sine
 approbatione Episcopi. c. 11. n. 22. & No. n. 25.

Peccat mortaliter qui proponit imagines D
 pro miraculis falsis. num. 26. No. num. 27.

Peccat etiam mort. adorans imagines si-
 ne vlla relatione ad Sanctos. Item qui habet
 imagines opprobriosas Sanctis, vel pastori-
 bus Ecclesiae. num. 32.

IMMUNITAS

Ecclesiae.

PECCAT mort. Iudex extrahens per
 vim e loco sacro, eum qui ad illum con-
 fugit. cap. 25. num. 17.

In praesenti autem locus sacer dicitur
 qualibet Ecclesia, capella, basilica, eremito-
 rium, sacellum ad missam dicendam Episco-
 pali auctoritate constructum, sine qua de-
 strui non potest, caemeterium pro sepelien-
 dis defunctis sacratu, ianua, & porticus Ec-
 clesiae, claustrum, & pauimentu, domus Epi-
 scopalis, hospitale auctoritate Episcopi ere-
 ctum, domus Ecclesiae ad habitatione cleri-

B b 3 corum

corum intra 40. vel 30. passus constructæ, aliàs non, nisi alicui capella adnexa esset. Spatiũ autem 40. passuum in circuitu Ecclesiæ maioris, & 30. Ecclesiarum minorũ: verũ est quòd hoc nullibi seruetur, nisi quoad fines cœmeterij. Itẽ presbyter qui defert Eucharistiam, & Cardinales, eorũque domus. cap. 25. num. 18.

B Hac immunitate gaudent omnes & soli Christiani liberi siue confugiant propter delicta siue propter debita, & serui confugientes propter delicta, quæ à iure gravissimè puniri possunt, & propter sæuitiam dominorum. Gaudet etiam excommunicatus, interdictus, suspensus, & qui confugiunt è carcere etiam contra iuramentum, & qui comprehensus, imò etiam iam damnatus per locum sacri ducitur. Item occidens clericũ, & sacrilegus, qui non deliquit in loco sacro: Exules siue banniti, mercator qui decoxit, vel fidẽ fregit, & qui trãs fugit ad host. n. 19. Item blasphemus, qui existens in Ecclesia iussit delictum fieri extra illam; gaudet quidem quoad delictum omne commissum iussu suo, non tamen quoad delictum commissum in iubendo. num. 20. 21.

D Non gaudet infidelis, nisi confugiat, vt fiat fidelis: nec viarum grassator, nec nocturnus vastator segetũ, vel aliorum fructuũ, nec qui
muti

mutilat, vel grauiter delinquit in loco sacro etiam sine spe immunitatis, nec qui infidiose occidit, vel percutit animo occidendi. n. 21.

Nec gaudet qui ex Ecclesia percutit alium existentē extra, nec è contra: nec qui prope Ecclesiam delinquit animo confugiendi ad eam: magis tamen videtur perpendendum, verum calu vel data opera delinquat. nu. 22.

Nec qui per vim extrahit existentem in Ecclesia, vel extrahi iussit, quo ad hoc delictum, bene tamen quo ad delictum, quod interficiendo, aut percutiendo, post eum extractum committeret. num. 21.

Nec personæ Ecclesiasticæ gaudent quoad iudicem Ecclesiasticum: secus quoad iudicem sæcularem, qui etiam propter delictum non potest extrahere clericum in minoribus, licet habeat iurisdictionem in eum post Tridentinum. num. 22.

Non gaudet, qui ab Ecclesia sponte egreditur, etiã seductus ab alio: ille verò qui promissit tenetur seruare fidem. Neque gaudet qui comburit, vel deiicit Ecclesiam. Ibidem.

IMPEDIMENTVM.

Tunc aliquis consilio, verbo, vel opere, tenetur impedire peccatum proximi,
 B b 4 quando